



LANDBÓTASJÓÐUR
NORÐUR HÉRAÐS

**Ársskýrsla
2006**

Efnisyfirlit

Inngangur.....	2
Framkvæmdir árið 2006.....	2
Framkvæmdaáætlun 2007.....	7
Fundargerðir ráðgjafanefndar 2006.....	8
Fundargerðir stjórnar LNH 2006.....	12

Fylgigögn

Yfirlitsmynd yfir framkvæmdir 2003-2006

Ársreikningur Landbótasjóðs Norður-Héraðs

Inngangur

Landbótasjóður Norður-Héraðs var stofnaður m.a. með það að markmiði að græða upp land a.m.k. til jafns við það gróðurlendi sem tapast undir Háslón við gerð Kárahnjúkavirkjunar. Unnið hefur verið að þessu frá árinu 2003 með því að bera tilbúinn áburð á lítt gróið og ógróið land innan áhrifasvæðis virkjunarinnar og örva þannig náttúrulegan gróður svæðisins. Ráðgjafarnefnd sjóðsins hefur haft umsjón með uppgræðsluaðgerðum, áætlanagerð og árangursmati en tveir verktakar hafa unnið að dreifingu áburðar og fræs eftir því sem við á. Sumarið 2006 var áburði dreift á um 16 km², þar af voru 6,7 km² svæði sem ekki hefur verið borið á áður.

Framkvæmdir árið 2006

Framkvæmdir 2006 fólust í dreifingu á áburði og fræi á lítt gróið land og styrkingu á eldri uppgræðslum. Alls voru notuð 284 tonn af áburði á 16 km² lands. Dreifing áburðar fór fram dagana 22. júní til 8. júlí. Verktakar voru Snæbjörn V. Ólason, Hauksstöðum og Benedikt Arnórsson, Hofteigi. Notast var við nýjan dreifibúnað, dreifara sem taka 2,4 tonn af áburði í ferð og hafa 34 metra vinnslubreidd. Áburðarmagni/ha er stýrt með tölvubúnaði. Reyndist þessi nýji dreifibúnaður afar vel og má segja að afköst hvernar vélar hafi tvöfaldast.



Mynd 1. Vélakostur verktakanna sumarið 2006.

Áburði og fræi var dreift á svæði með eftirfarandi hætti:

Brú

Alls var 97,7 tonnum af áburði dreift í landi Brúar á um 542 hektara. Þar af var borið í fyrsta skipti á um 350 hektara en annars voru eldri uppgræðslur styrktar. Ekki var borið á samfelld svæði en með nýju uppgræðslunum voru eldri svæði tengd saman og því er uppgræðsla í landi

Brúar nú orðin samfelld og um 1000 hektarar að stærð. Einstakir hlutar uppgræðslunnar eru mislangt komnir, allt frá því að vera nýgræðslur upp í land sem á stutt í að geta talist sjálfbært við núverandi aðstæður.

Sænautasel

Við Sænautasel var alls dreift 33,6 tonnum á 187 hektara. Um var að ræða styrkingu á eldri uppgræðslum. Rofabörð eru víðast að lokast en þó eru enn eftir hlutar þeirra sem eru opnir.

Grunnavatnsalda

Á Grunnavatnsöldu voru borin 32,4 tonn af áburði á 180 hektara. Var þar um að ræða 2. árs áburðargjöf, en borið var á svæðið í fyrsta skipti 2005. Virðist uppgræðslan hafa heppnast vel og verður svæðið hvílt 2007.



Mynd 2. Grunnavatsalda. T.v. er svæðið eftir áburðargjöf 2005. T.h. er svæðið eftir enduráburðargjöf 2006.

Vestari hluti Grunnavatnsöldu

Borin voru 18 tonn á vestari hluta Grunnavatnsöldu á um 100 hektara stórt svæði. Borið var í fyrsta sinn á þetta svæði 2006.

Hallarfjall

Við rætur Hallarfjalls voru borin 4,2 tonn á 23 hektara lands. Að mestu var um að ræða enduráburðargjöf en einnig var svæðið stækkað lítillega til austurs. Þarna gengur uppgræðsla mjög vel en þetta er sá hluti starfssvæðis sjóðsins sem liggur hæst yfir sjávarmáli eða í allt að 640 m.y.s.

Laugavalladalur

Borin voru á 12 tonn af áburði í Laugavalladal. Að mestu var borið á eldri uppgræðslur en einnig var gróður styrktur við rofabörð norður dalinn beggja megin ár. Þar er um að ræða svæði sem er mjög erfitt yfirferðar sökum halla en þörfin fyrir uppgræðslu er brýn.



Mynd 3. Séð austur Laugavalladal. Mikið rof og þörf fyrir uppgræðslu mikil. Erfitt svæði yfirferðar.

Jökuldalsheiði milli vega

Tekið var fyrir nýtt svæði í landi Arnórsstaða til móts við Botnahraun. Þar voru 4,8 tonn borin á um 28 hektara. Um er að ræða slétta mela, góða yfirferðar en rof er í aðliggjandi hlíðum.

Vaðbrekkuháls

Borin voru 6 tonn á Vaðbrekkuháls, alls á um 33 hektara. Var borið á hálsinn á móti Brú en einnig í suðurhluta hans ofan vegar inn Hrafnkelsdal. Um er að ræða svæði sem er mjög erfitt yfirferðar en tekur afar vel við áburðargjöf.



Mynd 4. Séð að Vaðbrekkuhálsi yfir bæjarhúsin á Brú. Borið var á þetta svæði að nýju vorið 2006.

Hrafnkelsdalur

Notuð voru 4,8 tonn til styrkingar eldri uppgræðslu í Hrafnkelsdal. Þarna er um að ræða slétt land en nokkuð af rofabörðum.

Faxahús

Alls var 19,2 tonnum af áburði dreift á um 107 hektara lands. Þar var um að ræða styrkingu eldri uppgræðslu og tengingu við gróið land í vestri. Borið var á hallalitla mela í múlanum og vatnsfarvegi sem liggja niður í Hrafnkelsdal.

Skænudalur

Alls voru borin á 24 tonn á Skænudal og þar af voru 9,6 tonn notuð til nýgræðslu. Alls var borið á um 133 hektara. Hluti af landinu er erfiður yfirferðar, grýtt og óslétt, sérstaklega neðan til á uppgræðslusvæðinu og því er aðeins borið á annað hvort ár hið mesta. Árangur uppgræðslu er þó mjög góður.



Mynd 5. Horft niður Skænudal.

Framlag til bænda

Bændur fengu framlag til uppgræðslu í eigin landi, alls 30 tonn. 4 aðilar sóttu um og fengu úthlutað rúmum 7 tonnum hver. Þetta voru bændur á Merki, Skjöldólfsstöðum, Mælivöllum og Möðrudal. Unnið var á landi í yfir 200 m.y.s. með virku jarðvegsrofi sem brýnt er að stöðva. Þessi verkefni falla mjög vel að reglum sjóðsins og efla áhuga á uppgræðslu í héraði.

Framkvæmdaáætlun 2007

Í töflu hér að neðan er að finna áætlun eftir svæðum sumarið 2007. Er þetta í samræmi við framkvæmdaáætlun LNH 2006-2010 sem birt var með ársskýrslu LNH 2005. Fram kemur áætlað magn áburðar á hvert svæði og hversu marga hektara stendur til að bera á innan hvers svæðis. Einnig er gert ráð fyrir lítillægri frænotkun á tvö svæði en þar er um að ræða rofabörð sem þarf að loka.

Framkvæmdaáætlun 2007

	Áburður, kg	Fræ, kg	Áætlaðir ha
Brú, framan fjárhúsin	4.800		27
Brú, utan Þverár	1.800		10
Meðfram Þverárvatni	22.800		127
Sunnan Djúpagils	10.600		59
Norðan Djúpagils	72.600		403
Múli	3.600		20
Faxahús til vesturs	23.600		131
Hrafnkelsdalur	4.800		27
Skænudalur	13.000		72
Skænudalur til norðvesturs yfir háls	9.600		53
Vaðbrekkuháls	5.000		28
Sænautasel	7.200	100	40
Vestari hluti Grunnvatnsöldu	40.800		227
Hallarfjall	6.000		33
Laugarvalladalur	13.800	100	77
Jökuldalsheiði milli vega	30.000		167
Framlag til bænda	30.000		167
Samtals	300.000	200	1.667

Fundargerðir ráðgjafanefndar 2006

Fundur 10. mars 2006

Ráðgjafanefnd Landbótasjóðs Norður-Héraðs haldinn á Skúlagötu 21 10. mars 2006 klukkan 13:00.

Mættir: Arnór Benediktsson, Þór Þorbergsson og Gústav Ásbjörnsson.

1. Ársskýrsla og ársreikningur Landbótasjóðs. Árið gert upp. Gústav leggur fram drög að skýrslu. Umræður um skýrslu og aðgerðir ársins. Einnig var lögð fram framkvæmdaáætlun fyrir árin 2006-2010.

Fundurinn samþykkir ársskýrslu og fer yfir samþykktan ársreikning. Framkvæmdaáætlun er staðfest með fyrirvara um möguleika á breytingum ef aðstæður gefa tilefni til. Ákveðið að framlag til bænda verði 30 tonn eins og sumarið 2005. Þó er til athugunar að verktakar dreifi þessum áburði í heimalöndum manna til þess að tryggja að verklag sé fullnægjandi. Skoðað verður eftir árangri 2006 hvort þessum lið verði haldið óbreyttum.

Arnór leggur til suttan inngangskafla í ársskýrslu sem dregur fram helstu atriði áætlunarinnar til þess að auðvelda yfirsýn, taka fram í ferkílómetrum.

2. Nýting framlaga. Niðurstöður ársskýrslu gefa svigrúm til þess að nýta 12,6 milljónir til framkvæmda til ársins 2010. Að auki eru til 23 milljónir vegna ónýtt framlags fyrri ára. Núverandi áætlun kveður á um árlegan kostnað upp á 12,1 milljón. Það er því mat framkvæmdanefndar að árlegt framlag sé nýtt að fullu. Stefnt skal að ónýtt framlög fyrri ára verði að mestu nýtt til framkvæmda á áreyrum Jökulsár frá og með árinu 2008 og til tilrauna á sama svæði árin 2006 og 2007 eftir tilefni.

3. Önnur mál

Fundurinn felur Arnóri að ákveða í samráði við verktaka fyrirkomulag á flutningi áburðar frá uppskipunarhöfn.

Næsti fundur verði haldinn upp úr 15. júní.

Fundi slitið 14:30. Fundarritari var Gústav Ásbjörnsson

Fundur 23. júní 2006

Fundur haldin í húsnæði Fljótsdalshéraðs í Fellabæ.

Fundur settur klukkan 10:00

Mættir: Arnór Benediktsson, Þór Þorbergsson og Gústav Ásbjörnsson. Fyrri hluta fundar sátu einnig Skarphéðinn Smári Þórhallson og Guðmundur Ólason, formaður sjóðsins.

1. Skilti til kynningar á starfssemi sjóðsins.

Fulltrúi stjórnar og Arnór lögðu fram hugmyndir að útliti skilta til kynningar á starfssemi sjóðsins. Efni skiltanna mun felast í texta um tilurð, hlutverk og stefnu sjóðsins, ljósmyndum frá starfi hans og yfirlitsmynd þar sem merktar eru inn framkvæmdir sjóðsins og starfssvæði næstu ára skv. áætlun.

Ráðgjafanefnd leggur til að áburðardreifingar ársins 2006 verði með á yfirlitsmyndinni þar sem mikið er tekið fyrir af nýjum svæðum á þessu ári. Með áburðardreifingu á þessi nýju svæði er einnig verið að tengja saman eldri svæði þannig að samhengi í starfi sjóðsins verður skýrara.

Gústav, f.h Lr, er falið að ganga frá yfirlitsmynd, ljóst er að nokkur vinna liggur í því. Honum er einnig falið að kanna mál varðandi birtingu á loftmyndunum. Yfirlitsmynd verður kynnt sjóðsstjórn á sameiginlegum fundi með haustinu.

Nefndin fjallaði um staðsetningu skilta og taldi eðlilegt að þau yrðu staðsett við stærstu uppgræðslusvæðin. Einnig var rætt um að til greina komi að staðsetja skilti á algengum áningarstöðum ferðamanna þó þeir séu ekki inni á uppgræðslusvæðum til þess að benda fólki á uppgræðslunar. Staðir sem hafðir voru í huga í þessu samhengi voru Ferðapjónusta Sáms, Aðalbóli og við gamla bæinn á Laugavöllum. Einnig væri gott að koma skilti við aðkomu að Sænautaseli.

Ráðgjafanefndin leggur mikla áherslu á að vinna við kynningarskiltin verði vönduð í hvívetna og ekki megi vinna þetta mál í flýti. Til þess að frá öllum málum sé gengið eins og best verður kosið leggur nefndin til að stefnt sé að uppsetningu skilta eigi fyrr en með haustinu.

2. Framlag til bænda

Í ljósi þess hvernig þetta mál fór á fyrra ári verður ekki auglýst þetta ár heldur fá þeir bændur sem sóttu um í fyrra framlag í formi áburðar og flutnings skv. umsóknum frá fyrra ári, alls 30 tonn. Eftir á að ræða hvert framhald þessa hluta verkefnisins verður en ræðst það nokkuð af gangi þess nú í sumar.

3. Áburðarflutningar

Sjóðsstjórn samdi við Sigurð Jónsson frá Mælivöllum um áburðarflutninga 2006 þar sem Jakob Sigurðsson er hættur starfssemi. Áburður verður fluttur sem næst verkstað.

4. Úttekt svæða og dreifingar

Ráðgjafanefnd hefur farið um svæðin og metið árangur fyrri aðgerða og þörf einstakra svæða fyrir frekari aðgerðir. Unnið verður í samræmi við fyrirbyggjandi áætlun (sjá árskýrslu LNH 2005). Verktakar við áburðardreifingu eru að hefja verk sitt en það tafðist nokkuð þar sem ekki var unnt að komast um land vegna bleytu. Þeir hafa nú tekið í notkun ný tæki sem auka til muna gæði áburðardreifingar. Nú verður dreift 300 tonnum af áburði og 300 kílóum af fræi. Fræið verður eingöngu notað í rofabörð.

5. Ráðgjafanefndin leggur til að hún fari ásamt sjóðsstjórn í vettvangsferð með haustinu þar sem helstu uppgræðslusvæði verða skoðuð og tillögur að skilti verða kynntar og ræddar.

Fleira var ekki gert og fundi slitið klukkan 11:50

Fundarritari var Gústav Ásbjörnsson

Fundur 24-25 ágúst 2006

Ráðgjafanefnd Landbótasjóðs Norður-Héraðs

Fundargerð 24 - 25.08.2006

Fundur settur 10:00 á Skjöldólfsstöðum 24.08.2006

Mættir: Arnór Benediktsson, Þór Þorbergsson, Gústav Ásbjörnsson, Benedikt Arnórsson, Skarphéðinn Smári Þórhallsson, Guðmundur Ólason og Eiríkur Björgvinsson, bæjarstjóri Fljótsdalshéraðs. Anna Bragadóttir og Eygló Ormarsdóttir sátu fundinn eftir vettvangsferð, Skarphéðinn Þórhallsson fór að vettvangsferð lokinni og Eiríkur Björgvinsson fór að loknum kvöldverði.

1. Framkvæmd áburðardreifingar

Vel tókst til með framkvæmd áburðardreifingar, ný tæki reyndust vel og verklag verktaka var afar gott skv. gps gögnum og skráningum. Lagt var fram kort af dreifingum sumarsins til fróðleiks en alls var 284 tonnum af áburði dreift á um 1600 hektara. Eiríkur lýsti yfir áhuga á því að fá kort af aðgerðum sjóðsins á tölvutæku formi til að leggja fram í bæjarstjórn, Gústav tók málið að sér.

Verktakar lögðu fram eftirfarandi athugasemdir:

Vilja fá stærðir einstakra svæða merktar inn á vinnukort fyrir næsta vor. Gústav sér um að þetta verði gert.

Verktakar voru óánægðir með gæði áburðar, áburður kögglaður, mikið af dufti og kornin ekki nægilega hörð til að þola högg sem fylgja mikilli vinnslubreidd dreifarana.

Með hliðsjón af því að gæði áburðar hafi ekki verið viðunandi beinir ráðgjafanefnd því til stjórnar sjóðsins að auglýsa eftir tilboðum í áburðarkaup næsta árs.

2. Upplýsingaskilti um starfsemi sjóðsins.

Útlit skiltis kynnt og farið yfir texta. Stefnt að uppsetningu í haust eða næsta vor. Fram kom tillaga um að merki sveitarfélagsins þyrfti að koma fram á skiltinu sem og upplýsingar um sjóðinn þyrftu að vera aðgengilegar á vef sveitarfélagsins, www.egilsstadir.is

3. Vettvangsferð

Í vettvangsferð fóru Arnór, Gústav, Þór, Eiríkur, Smári, Guðmundur og Benedikt. Farið var á svæðin hjá Sænautaseli, ekið um Fiskidalsháls um Múla og í Laugavalladal. Þaðan var ekið að Kárahnjúkum og stoppað í kaffi. Að þessu loknu var farið á svæðin ofan Faxahúsa og niður í Hrafnkelsdal um Skænudal. Að þessari hringferð lokinni var lá leiðin að Skjöldólfsstöðum aftur.

Var það samdóma álit að uppgræðslusvæðin litu afar vel út og jafnvel besti árangur uppgræðslu frá upphafi sjóðsins. Nokkuð var áberandi að köfnunarefniskorn í áburði höfðu ekki virkað alla vinnslubreidd dreifarana. Það má helst rekja til ófullnægjandi gæða áburðar.

4. Uppgræðslur í farvegi Jökulsár

Nú í haust verður söfnun vatns í Hálslón hafin og því mun minnka verulega vatnsmagn í farveginum. Það gæti haft í för með sér fok úr honum þar sem einhver svæði þorna. Til er uppsafnað fjármagn frá fyrri árum til þess að bregðast við þessu án þess að draga þurfi að marki úr aðgerðum sem nú er lagt af stað með.

5. Greiðslur til verktaka

Verktakar eru sáttir við greiðslur v. dreifingar og mjög áhugasamir um verkefnið.

25.06.2006

6. Framlög til bænda-uppgræðslur

Skoðuð voru svæði hjá bændum sem fengið höfðu styrk til uppgræðslu frá sjóðnum. Alls var veitt 30 tonnum til þessa og 4 aðilar fengu styrkinn, 7 tonn hver. Þessir aðilar voru Vernharður Vilhjálmsson, Þorsteinn Snædal, Jón Hallgrímsson og Stefán Ólason.

Stefán Ólason, Merki

Uppgræðslusvæðið er á Fljótsdalsheiði ofan Merkis. Um er að ræða mela og virk rofabörð og augljóslega nokkuð um fok á svæðinu og því mjög brýnt að vinna á þessu svæði. Borin voru 7 tonn á um 35 hektara svæði og sáu Benedikt Arnórsson, Snæbjör Ólason og Agnar Benediktsson um dreifinguna. Uppgræðslan leit vel út og það var mat ráðgjafanefndar og Stefáns að bera þyrfti á svæðið 2007 til þess að tryggja varanlegan árangur. Aðkoma að svæðinu er þó mjög slæm, brattur slóði sem verður nánast ófær í bleytu. Lagt er til að sjóðurinn leggi fram efni, 7 tonn, 2007 og framlag bónda yrði að bæta slóðina eða koma efninu á dreifingarstað.

Vernharður Vilhjálmsson, Möðrudal

Vernarður fór með ráðgjafanefnd um allar uppgræðslur í landi Möðrudals. Vernharður notar eigin aðferðir uppgræðslu, t.d. er ekki notast við stærri áburðarskammt en 50 kg/ha. Árangur af uppgræðslustarfi í Möðrudal er mikill enda borið á stórt svæði á ári hverju. Ráðgjafanefnd leggur til að gerður verði samningur við Vernharð um árlegt framlag í formi áburðar til ársins 2010, 7 tonn á ári. Ástæða þess að nefndi telur skynsamlegt að semja sérstaklega í þessu tilfelli er sé sérstaða Verðharðs í staðsetningu og uppgræðsluaðferðum ásamt því að hann hefur sýnt sig vera mjög áhugasaman um uppgræðslu og afkastamikinn en ætla má að uppgræðslur í Möðrudal liggi nærri 1000 hekturum.

Jón Hallgrímsson, Mælivöllum

Borið er á í hliðum Hnefils. Sáu Benedikt, Snæbjörn og Agnar um áburðardreifinguna. Árangur er vel sýnilegur og mælt með því að Jón hljóti áframhaldandi styrk sæki hann um hann.

Þorsteinn Snædal

Borið var á svæði í landi Arnórsstaða við Botnahraun. Sáu Benedikt, Snæbjörn og Agnar um áburðardreifinguna. Svæðið nær saman við uppgræðslusvæði sjóðsins. Tókst mjög vel til með þessa dreifingu. Nefndin leggur til að þetta svæði verði tekið inn á áætlanir sjóðsins til 2010.

Fleira var ekki gert og fundi slitið 18:00

Fundarritari var Gústav Ásbjörnsson

Fundargerðir stjórnar LNH 2006

Fundargerð 18. fundar landbótasjóðs Norður Héraðs 27.02.2006 haldinn í Brúarási kl. 17:00
Mætt voru: Frá landbótassjóði Þorsteinn Snædal, Anna Bragadóttir, Guðmundur Ólason.

Fundur settur. Þorsteinn Snædal formaður nefndarinnar setti fund og bauð fundarmenn velkomna sérstaklega Sigurð Pálsson endurskoðanda.

Ársreikningur landbótasjóðs 2005 yfirfarinn. Sigurður Pálsson endurskoðandi sat fundinn undir þessum lið og fór yfir ársreikninginn. Sigurði þökkuað koman. Ársreikningnum vísað til annarar umræðu.

Rætt um hönnun og uppsetningu skilta við uppgræðslusvæði. Formanni falið að ræða við aðila vegna málsins.

Fleira ekki gert fundi slitið kl. 18:45

Fundargerð ritaði Anna Bragadóttir

Fundargerð 19. fundar landbótasjóðs Norður Héraðs 08.06.2006 haldinn í Brúarási kl. 17:00

Mætt voru: Frá landbótassjóði Þorsteinn Snædal, Anna Bragadóttir, Guðmundur Ólason.

Fundur settur. Þorsteinn Snædal formaður nefndarinnar setti fund og bauð fundarmenn velkomna

Ársreikningur landbótasjóðs 2005 hefur verið samþykktur og undirritaður. Reikningurinn er útgefinn í ársskýrslu Landbótasjóðs. Senda þarf ársreikning sjóðsins til ríkisendurskoðunar, ráðgjafanefndar sjóðsins, Landsvirkjunar, bæjarstjóra og aðal og varamanna stjórnar.

Reikningshald sjóðsins: Samþykkt að óska eftir tilboði í reikningshald og endurskoðun sjóðsins.

Flutningur á áburði: Samþykkt að ganga til samninga við Sigurð H. Jónsson um áburðarflutning 2006 kr. 2200 pr tonn + vsk.

Rætt um hönnun og uppsetningu skilta við uppgræðslusvæði. Formanni falið að vinna áfram að málinu. Skiltin þarf að setja upp í sumar.

Landgræðslustyrkir. Þar sem ekki tókst að fá áburð til umsækjenda um styrk 2005 var samþykkt að hafa samband við þá aðila í ár vegna landbótastyrks 2006.

Arnór Benediktsson fulltrúi ráðgjafanefndar kom til fundar og ræddi ýmis málefni er tengjast verkefnum sumarsins.

Fleira ekki gert fundi slitið kl. 20:00

Fundargerð ritaði Anna Bragadóttir

Fundargerð 20. fundar landbótasjóðs Norður Héraðs 20.06.2006 haldinn í Brúarási kl. 17:00

Mætt voru: Guðmundur Ólason, Eygló Ormarsdóttir, Anna H. Bragadóttir og Þorsteinn Snædal.

Fundur settur. Guðmundur Ólason formaður nefndarinnar setti fund og bauð fundarmenn velkomna. Sérstaklega bauð hann Eygló Ormarsdóttur nýjan nefndarmann velkomin til starfa. Þorsteinn Snædal fráfarandi formaður fór yfir verkefni sem hann hefur unnið að undanfarið. Að því loknu var Þorsteini þakkað samstarf liðinna ára og vék hann síðan af fundi.

Skilti við uppgræðslusvæði. Samþykkt að óska eftir tilboði í skilti frá fyrirtækinu Nátturulega ehf á Hornafirði. Önnu Bragadóttur falið að senda merki sjóðsins, mynd af uppgræðslusvæðum og textann sem nefndarmenn fóru yfir og samþykktu á fundinum til hönnuða og óska eftir tilboðum í 5-6 skilti.

Nefndarlaun: Formaður lagði fram tillögu um þóknun nefndarmanna landbótasjóðs kr 25000 pr. fund og formaður kr. 38600 pr fund. Auk þess verði greitt fyrir akstur skv akstursaxta ríkisins. Tekið var mið af hækkunum nefnda sveitarfélagsins. Greitt verði skv. þessari ákvörðun frá og með þessum fundi. Tillaga formanns samþykkt.

Prókúruumboð. Formanni landbótasjóðs falið að kanna hvort héraðsfulltrúi Fljótsdalshéraðs er tilbúin að taka að sér prókúruumboð fyrir sjóðinn.

Fleira ekki gert fundi slitið kl. 19:05

Fundargerð ritaði Anna Bragadóttir

Fundargerð 21. fundar landbótasjóðs Norður Héraðs 03.08.2006

Mætt voru: Frá stjórn Guðmundur Ólason, Eygló Ormarsdóttir og Anna H. Bragadóttir, Sigurður Aðalsteinsson myndatökumaður, Arnór Benediktsson frá ráðgjafanefnd og Rannveig Einarsdóttir frá Nátturulega ehf.

Farið var í ferð á uppgræðslusvæðin Lagt af stað u.þ.b. kl. 14:00 ekið sem leið lá upp Jökuldal stoppað í Sænautaseli, við Brú, við Reykjará, á Laugavöllum, upp á Hallarfjalli, við Kárahnjúka þar sem stoppað var í sjoppunni. Ekin gamla leiðin í Aðalból, um Vaðbrekku. Uppgræðslusvæði skoðuð, mynduð og teknir gps punktar af þeim stöðum þar sem mögulega verða sett upp skilti. Veðrið var eins og best gerist og ferðin í alla staði vel heppnuð. Á heimleið var stoppað Á Hreindýraslóðum og snædd kjötsúpa að hætti Aðalsteins í Klausturseli. Farið var yfir næstu skref í verkefninu. Rannveig fær myndir hjá Sigurði og tillögur að skiltum ættu að liggja fyrir fljótlega.

Prókúruumboð. Stjórn sjóðsins samþykkti og undirritaði prókúruumboð fyrir Landbótasjóð Norður Héraðs til formanns stjórnar Guðmundar Ólasonar kt. 240358-4179 og tekur hann við umboðinu af fráfarandi formanni Þorsteini Snædal.

Fleira ekki gert en ekið heim í kvöldhúminu.

Fundargerð ritaði Anna Bragadóttir

Fundargerð 22. fundar landbótasjóðs Norður Héraðs 24.08.2006

Mætt voru: Guðmundur Ólason, Eygló Ormarsdóttir og Anna H. Bragadóttir, Þór Þorbergsson, Arnór Benediktsson, Gústav Ásbjörnsson, Eiríkur B. Björgvinsson, Benedikt Arnórsson og Agnar Benediktsson. Skarphéðinn Smári Þórhallsson var með hópnum fyrir um daginn en Eygló og Anna bættust við eftir vettvangsferðina

Farið var í vettvangsferð á hálendið fyrir í dag. Eftir kvöldverð á Hreindýraslóðum setti Arnór fund og fór yfir verkefni sumarsins. Ákveðið var A,B og C dreifingarsvæði eftir yfirferð um landið. Dreift var fyrir bændur sem fengu styrk í sumar. Árangur sumarsins var prýðilegur dreift var 300 tonnum og 180 kg pr h.a. Dreift var á 1700 h.a. í sumar. Tekin voru ný ný svæði og tengd saman við eldri svæði. Guðmundur þakkaði græðurum eins og verktakar eru kallaðir vel unnin störf. Eiríkur þakkaði fyrir að fá tækifæri til að kynna sér verkefnið og þakkaði samveruna. Guðmundur kynnti hugmyndir að skiltum og spurði um álit manna. Athuga þarf með útboð á áburði.

Fleira ekki gert fundi slitið.

Fundargerð ritaði Anna Bragadóttir

Fundargerð 23. fundar landbótasjóðs Norður Héraðs 11.09.2006

Mætt voru: Frá stjórn Guðmundur Ólason, Eygló Ormarsdóttir og Anna H. Bragadóttir.

Fundur settur kl.9:00

Farið var yfir tillögur að skiltum og gerðar nokkrar athugasemdir. Tungumál á skiltum ákveðin íslenska, enska, þýska, danska og spænska. Ákveðið að setja skiltin á náttúrulega steina og Guðmundi var falið að tala við aðila um uppsetningu skiltanna.

Uppgjör á áburðardreifingu. Guðmundur lagði fyrir uppgjör á áburðardreifingu fyrir síðasta sumar og var hún samþykkt. Gallaður áburður hefur verið endurgreiddur. Gert var upp við dreifingaraðila vegna bændadreifingar og ákveðið var að greiða Vernharði Vilhjálmssyni fyrir hans dreifingu í ár á sama hátt og við dreifingaraðilana. Þessi þáttur verði tekin til endurskoðunar fyrir næsta sumar. Fyrir næsta sumar þarf einnig að huga að fyrirkomulagi á eyðingu á áburðarpokum. Samningur um áburðarkaup er útrunnin og ákveða þarf um framhaldið fyrir áramót.

Fleira ekki gert fundi slitið kl.11:00

Fundargerð ritaði Anna Bragadóttir

Fundargerð 24. fundar Landbótasjóðs Norður Héraðs 01.11.2006

Mætt voru: Frá stjórn: Guðmundur Ólason, Eygló Ormarsdóttir og Anna H. Bragadóttir.

Fundur settur kl.9:00

1. Skilti Landbótasjóðs: Búið er að hanna skiltin og er byrjað að framleiða þau. Uppsetning verður etv. að bíða þar til í vor.

2. Áburðardreifing: Samin var eftirfarandi auglýsing og ákveðið að birta hana í Dagskránni á næstunni:

***Stjórn Landbótasjóðs Norður Héraðs
hefur ákveðið að auglýsa eftir
umsóknum frá
landeigendum/ábúendum innan
marka fyrrum Norður Héraðs sem
vilja taka þátt í landgræðsluverkefni sjóðsins.
Sjóðurinn greiðir fyrir áburð og dreifingu skv. reglum sjóðsins.
Umsóknareyðublöð liggja frammi í Brúarási.
Umsóknarfrestur er til 15. janúar 2007.***

***Nánari upplýsingar hjá formanni stjórnar Guðmundi Ólasyni Hrólfstöðum
sími 471-1019***

3. Áburðarkaup. Formanni stjórnar Guðmundi Ólasyni falið að hafa samband við áburðarsala varðandi kaup á áburði.

Fleira ekki gert fundi slitið kl.11:00

Fundargerð ritaði Anna Bragadóttir

Fundargerð 25. fundar Landbótasjóðs Norður Héraðs 05.12.2006

Mætt voru: Frá stjórn: Guðmundur Ólason, Eygló Ormarsdóttir og Anna H. Bragadóttir.

Fundur settur kl.16:00



Áburðarkaup: Fyrir liggja upplýsingar um tegundir af áburði frá fjórum áburðarsölum. Fundarmenn fóru yfir þær upplýsingar sem lágu fyrir. Nú kom Arnór Benediktsson frá ráðgjafanefnd Landbótasjóðs á fundinn. Ákveðið var að óska eftir tilboðum í áburð til 3. ára frá eftirtöldum áburðarsölum: Betra landi Áburðarverksmiðjunni, Sláturfélagi Suðurlands og Búaðföngum.

Næsti fundur ákveðinn þriðjudaginn 12.12.2006 kl. 16:00.

Fleira ekki gert fundi slitið kl: 18:30

Fundargerð ritaði Anna Bragadóttir

Fundargerð 26. fundar Landbótasjóðs Norður Héraðs 12.12.2006

Mætt voru: Guðmundur Ólason, Eygló Ormarsdóttir og Anna H. Bragadóttir.

Fundur settur kl.16:00 Formaður setti fund og bauð fundarmenn velkomna.

Áburðarkaup: Opnuð voru tilboð í áburð frá eftirtöldum aðilum: Betra landi ehf, Áburðarverksmiðjunni hf, Sláturfélagi Suðurlands svf.og Búaðföngum ehf . Stjórn yfirfór tilboðin og ákvað að ganga til samninga við lægstbjóðanda, Áburðarverksmiðjuna hf.um kaup á áburði 2007.

Fleira ekki gert fundi slitið kl: 17:45

Fundargerð ritaði Anna Bragadóttir

Landbótasjóður Norður-Héraðs

Ársreikningur

2006

Landbótasjóður Norður-Héraðs
Brúarási
701 Egilsstaðir
kt. 450204-3150

Landbótasjóður Norður-Héraðs

Ársreikningur

2006

Efnisyfirlit

Áritun endurskoðenda	2
Skýrsla stjórnar	3
Yfirlit um ráðstöfunarfé	4
Efnahagsreikningur	5
Yfirlit um sjóðstreymi	6
Skýringar og sundurliðanir	7-9

Áritun endurskoðenda

Til stjórnar Landbótasjóðs Norður-Héraðs

Við höfum endurskoðað ársreikning Landbótasjóðs Norður-Héraðs fyrir árið 2006. Ársreikningurinn hefur að geyma skýrslu stjórnar, yfirlit um ráðstöfunarfé, efnahagsreikning og yfirlit um sjóðstreymi, auk skýringa og sundurliðana. Ársreikningurinn er lagður fram af stjórnendum sjóðsins og á ábyrgð þeirra í samræmi við lög og reglur. Ábyrgð okkar felst í því álit sem við látum í ljós á ársreikningnum á grundvelli endurskoðunarinnar.

Endurskoðað var í samræmi við góða endurskoðunarvenju á Íslandi en samkvæmt henni skal skipuleggja og haga endurskoðuninni þannig að nægjanleg vissa fáiast um að ársreikningurinn sé í meginatriðum án verulegra annmarka. Endurskoðunin felur í sér greiningaraðgerðir, úrtakskannanir og athuganir á gögnum til að sannreyna fjárhæðir og aðrar upplýsingar sem koma fram í ársreikningnum. Endurskoðunin felur einnig í sér athugun á þeim reikningsskilaaðferðum og matsreglum sem beitt er við gerð ársreikningsins og mat á framsetningu hans í heild. Við teljum að endurskoðunin sé nægjanlega traustur grunnur til að byggja álit okkar á.

Það er álit okkar að ársreikningurinn gefi glögga mynd af ráðstöfunarfé sjóðsins á árinu 2006, hreinni eign hans 31. desember 2006, og breytingu á handbæru fé á árinu 2006, í samræmi við lög og settar reikningsskilareglur á Íslandi.

Egilsstöðum, 21. febrúar 2007

Deloitte hf.

Sigurður H. Pálsson
endurskoðandi

Skýrsla stjórnar

Að álit stjórnar Landbótasjóðs Norður-Héraðs koma fram í ársreikningi þessum allar upplýsingar sem nauðsynlegar eru til að glöggva sig á stöðu sjóðsins í árslok, starfsemi ársins og fjárhagslegri þróun á árinu.

Landbótasjóður Norður-Héraðs var stofnaður á árinu 2003 með skipulagsskrá, sem staðfest var af ráðherra dómsmála. Markmið sjóðsins er einkum að annast umsýslu á framlagi Landsvirkjunar, samanber nánari umfjöllun í skýringu nr. 1 í ársreikningnum.

Samkvæmt skipulagsskrá er stjórn sjóðsins heimilt að úthluta árlega jafngildi raunvaxta sjóðsins auk 1/40 hluta eigin fjár hans, þannig að sjóðurinn eyðist upp á 40 árum. Eins og fram kemur í skýringu nr. 5 í ársreikningnum nam heimil úthlutun samkvæmt þessu 6,2 millj. kr. á árinu, en óráðstafað frá fyrra ári nam 10,8 millj. kr. Ráðstöfun á árinu nam 14,5 millj. kr., og er ónýtt heimild til úthlutunar því alls 2,5 millj. kr. Miðað við núverandi vaxtakjör á eignum sjóðsins má áætla að til úthlutunar á árinu 2007 geti orðið u.þ.b. 13,9 milljónir króna auk þess sem nú er óráðstafað, eða alls um 16,4 milljónir króna.

Stjórn Landbótasjóðs Norður-Héraðs staðfestir hér með ársreikning sjóðsins fyrir árið 2006 með undirritun sinni.

Í stjórn

Yfirlit um ráðstöfunarfé 2006

	Skýr.	2006	2005
Innborguð framlög			
Framlög Landsvirkjunar	3	4.000.000	4.000.000
Greiddar verðbætur Landsvirkjunar	3	825.648	514.409
Hreindýraarður		577.939	303.266
		<u>5.403.587</u>	<u>4.817.675</u>
Fjármunatekjur og (fjármagnsgjöld)			
Vaxtatekjur	8	20.630.126	14.443.861
Fjármagnstekjuskattur	8	(2.063.012)	(1.444.385)
Vaxtagjöld	8	(6.345)	(3.216)
		<u>18.560.769</u>	<u>12.996.260</u>
		<u>23.964.356</u>	<u>17.813.935</u>
Útgjöld			
Kostnaður við landbætur og annar kostnaður		(14.495.828)	(8.762.622)
		<u>(14.495.828)</u>	<u>(8.762.622)</u>
Aðrir liðir			
Óhafin framlög Landsvirkjunar, breyting	3	1.554.755	(2.315.562)
		<u>1.554.755</u>	<u>(2.315.562)</u>
Hækkun á hreinni eign á árinu			
	5	11.023.283	6.735.751
Hrein eign frá fyrra ári			
		<u>221.818.936</u>	<u>215.083.185</u>
Hrein eign í árslok			
	5	<u><u>232.842.219</u></u>	<u><u>221.818.936</u></u>

Efnahagsreikningur 31. desember 2006

	Skýr.	31.12.2006	31.12.2005
Eignir			
Langtímakröfur			
Óhafin framlög Landsvirkjunar	3	56.315.562	54.760.807
		<u>56.315.562</u>	<u>54.760.807</u>
Kröfur			
Útistandandi hreindýraarður		0	303.266
		<u>0</u>	<u>303.266</u>
Handbært fé			
Bankainnstæður	4	176.865.571	167.400.451
		<u>176.865.571</u>	<u>167.400.451</u>
		<u>233.181.133</u>	<u>222.464.524</u>
Skuldir			
Skammtímaskuldir			
Ógreiddur launakostnaður		393.169	602.388
Annar ógreiddur kostnaður		(54.255)	43.200
		<u>338.914</u>	<u>645.588</u>
Hrein eign		<u>232.842.219</u>	<u>221.818.936</u>
Hrein eign			
Óráðstöfuð heimild til úthlutunar	5	2.460.376	10.761.660
Til ráðstöfunar síðar	5	230.381.843	211.057.276
Hrein eign samtals		<u>232.842.219</u>	<u>221.818.936</u>

Yfirlit um sjóðstreymi ársins 2006

	Skýr.	2006	2005
Inngreiðslur			
Innborguð framlög	3	5.706.853	4.514.409
Innborgaðir vextir	8	18.567.114	12.999.476
		<u>24.273.967</u>	<u>17.513.885</u>
Útgreiðslur			
Útborgaður landbótakostnaður og annar kostnaður		(14.802.502)	(8.733.930)
Vaxtagjöld	8	(6.345)	(3.216)
		<u>(14.808.847)</u>	<u>(8.737.146)</u>
Hækkun á handbæru fé		9.465.120	8.776.739
Handbært fé í ársbyrjun		<u>167.400.451</u>	<u>158.623.712</u>
Handbært fé í lok árs		<u>176.865.571</u>	<u>167.400.451</u>

Skýringar og sundurliðanir

1. Starfsemi

Landbótasjóður Norður-Héraðs var stofnsettur árið 2003 og var skipulagsskrá hans staðfest af ráðherra í október það ár.

Markmiðið með stofnun sjóðsins er einkum að annast umsýslu á framlagi Landsvirkjunar, skv. samningi við sveitarfélagið Norður-Hérað, um uppgræðslu til endurheimtu gróðurlendis sem tapast vegna byggingar Kárahnjúkavirkjunar. Í skipulagsskránni er markmiðum sjóðsins lýst nánar. Kemur þar meðal annars fram, að stjórn sjóðsins sé heimilt að nýta til úthlutunar úr sjóðnum jafngildi raunvaxta hvers árs að viðbættum 2,5% af eigin fé hans, þannig að sjóðurinn eyðist upp á eigi skemmri tíma en 40 árum, frá og með árinu 2003 að telja. Í skýringu nr. 5 hér á eftir er gerð grein fyrir hvaða fjárhæð var frjálst til úthlutunar á árinu og fyrra ári.

2. Reikningsskilaaðferðir

Ársreikningurinn er í samræmi við lög og góða reikningsskilavenju á Íslandi. Ársreikningurinn er gerður eftir kostnaðarverðsaðferð.

Í stað hefðbundins rekstrarreiknings inniheldur ársreikningurinn yfirlit um ráðstöfunarfé. Er þar gerð grein fyrir innborgun fjármuna til sjóðsins og ráðstöfun fjármuna til verkefna hans.

Eignir og skuldir sem bundnar eru vísitölu eða gengi erlendra gjaldmiðla eru færðar upp miðað við verðlag eða gengi í árslok.

Aðrar reikningsskilaaðferðir sem snerta einstök efnisatriði ársreikningsins eru tilgreindar í skýringum hér á eftir.

3. Framlög Landsvirkjunar

Fjárframlög Landsvirkjunar samkvæmt samningi við Norður-Hérað nema alls kr. 200.000.000, og skulu þau greidd á 15 árum. Framlögin eru verðtryggð með vísitölu byggingakostnaðar og er grunnvísitala miðuð við septembermánuð 2002, eða 277,6 stig.

Landsvirkjun hefur þegar greitt kr. 156.000.000 af ofangreindri fjárhæð, auk verðbóta. Samningsfjárhæðir sundurliðast þannig:

	2006	2005
Greidd framlög til þessa.....	156.000.000	152.000.000
Verðbætur við greiðslu.....	8.963.976	8.449.567
Greitt alls.....	164.963.976	160.449.567
Framlög til og með árinu 2017.....	44.000.000	48.000.000
Áfallnar verðbætur í árslok.....	12.315.562	6.760.807
Óhafin framlög samtals.....	56.315.562	54.760.807
	221.279.538	215.210.374

Skýringar og sundurliðanir

4. Handbært fé

Handbært fé er að mestu ávaxtað á Bakhjarlsreikningi hjá Sparisjóði Norðfjarðar.

5. Hrein eign

Breytingar á hreinni eign greinast þannig:

	2006	2005
Langtímahluti:		
Frá fyrra ári	211.057.276	208.548.271
Verðtrygging höfuðstóls	25.724.063	8.213.256
Laust til ráðstöfunar, 1/37 (1/38) hluti	(6.399.496)	(5.704.251)
	<u>230.381.843</u>	<u>211.057.276</u>
Skammtímahluti:		
Frá fyrra ári	10.761.660	6.534.914
Til ráðstöfunar af höfuðstól, sjá ofar	6.399.496	5.704.251
Fjármunatekjur umfram verðtryggingu höfuðstóls	(782.891)	6.981.851
Hreindýraarður	577.939	303.266
Ráðstafað á árinu	(14.495.828)	(8.762.622)
Óráðstöfuð heimild í árslok	<u>2.460.376</u>	<u>10.761.660</u>
Hrein eign samtals	<u>232.842.219</u>	<u>221.818.936</u>

6. Skattamál

Landbótasjóður Norður-Héraðs er undanþeginn tekjuskatti og eignarskatti.

7. Ábyrgðir og veðsetningar

Ábyrgðir utan efnahagsreiknings eru engar.

8. Önnur mál

Fjármunatekjur og (fjármagnsgjöld) greinast þannig:


	2006	2005
Vextir af bankareikningi.....	20.630.126	14.443.861
Afdreginn fjármagnstekjuskattur.....	(2.063.012)	(1.444.385)
Vaxtagjöld	(6.345)	(3.216)
	<u>18.560.769</u>	<u>12.996.260</u>

Skýringar og sundurliðanir

9. Kostnaður við landbætur og annar kostnaður

Sundurliðast þannig:

Áburður og fræ	7.171.203	4.107.459
Aðkeypt vinna verktaka	4.440.644	3.200.709
Flutningskostnaður	821.700	11.263
Landbótaframlög	0	230.400
Gjaldfærð áhöld	0	39.927
Kynningarskilti	810.822	0
Vinnulaun	740.200	472.500
Akstur	85.654	64.232
Tryggingagjald	50.817	32.581
Lífeyrissjóður	51.814	33.075
Verðlaun fyrir merki sjóðsins	4.750	100.000
Fundakostnaður	0	67.680
Annar ósundurliðaður kostnaður	47.325	5.015
Bókhald og reikningsskil	270.899	397.781
	<u>14.495.828</u>	<u>8.762.622</u>



■ Aðgerðir 2003 - 2006

— Vegir



Landbótasjóður Norður Héraðs Uppgræðslusvæði



0 1 2 3 4 5 km